

門之力余代表全院將貴院及中國人民祝賀并盛意轉達同人銘泐五內葡萄牙衆議院議長阿路默德

夔州王天縱通告奉令援陝於諫日拔隊出發電

(銜畧)天縱奉唐總裁電令拔隊援陝業於十一月諫日通令二四兩路拔隊出發其餘各部隊亦隨後熊督軍攻取陝南惟天縱舉義以來間關奔走建樹毫無實深歉仄此次奉命援陝責任更重汲深綆短隕越堪虞尙祈不棄淺陋時賜箴言無任盼禱靖國聯軍豫軍總司令官王天縱叩篠

復夔州王總司令天縱並辭軍事代表電

夔州靖國聯軍豫軍王總司令鑒篠電敬悉執事奉令援陝誓師出發馬到功成可爲預賀至皓電所云軍事代表一事因本院事務紛繁無暇兼顧方命之咎尙希鑒原如有事時仍當盡力謹復吳景濂佳

上海唐紹儀來電

林子超吳廉伯褚慧僧岑雲階伍秩庸林悅卿徐季龍汪精衛李協和諸先生鑒次乾兄等抵滬承惠手書並面述公等主張暨拳拳盛意至可感佩民國成立於今七稔禍變相

乘迄無寧日推原其故苟且敷衍實階其厲此次解決當謀一永久和平之法俾絕禍源
昨會覆電東海與約數事一不能以總統名義派人議和及發布關於議和命令二由雙
方各派出同數代表組織對等平和會議一切事項悉納於會議範圍三於和平會議組
合之先不向各個人疏通及附加何種條件云云至約法國會儀夙昔主張自當始終貫
澈惟個人意見以爲更應於約法國會外再進一步不然元年五年約法國會形式何嘗
不具在而和平期間不過數月已往教訓可爲殷鑒此次紛擾非澈底解決即使苟安目
前亦斷難持久鄙見如此公等以爲何如尙希賜以南針俾匡不逮相晤匪遙先此電達
唐紹儀叩宥

會復唐總裁紹儀討論解決時局電

上海唐少川總裁鑒宥電讀悉偉論蓋籌無任欽折同人對於解決時局意見力標合法
之和平與永久之和平二義與海內人士相質證第一義所謂合法云云已納約法國會
於其中第二義所謂永久云云則已於約法國會之外更進一步解我公推原禍變之相乘
痛恨於苟且敷衍之階厲主張於約法國會之外更進一步老成謀國至爲深遠曷勝佩
慰同居恒持論以爲廢督軍制確定國防軍數目裁汰不急軍隊提倡民立兵工廠鞏